

Naziv suda: Apelacioni sud Brčko distrika Bosne i Hercegovine

Analiza pokazatelja iz statističkog izvještaja o poštivanju optimalnih i predvidivih rokova:

Podaci iz polugodišnjeg izvještaja o poštivanju optimalnih i predvidivih rokova za 2020. godinu pokazuju da je u radu bilo ukupno 243 predmeta od čega je završeno 205 predmeta ili 84 %. Od ukupnog broja riješenih predmeta, u optimalnom roku je završeno 190 predmeta, dok je u predvidivom roku završeno 191 predmeta ili 93 %. Na kraju polugodišnjeg perioda u 14 predmeta prekoračen je predvidivi rok što predstavlja 7 % od ukupnog broja riješenih predmeta. Prosječno trajanje riješenih predmeta je 69 dana. Broj neriješenih predmeta na kraju izvještajnog perioda iznosi 38 predmeta. U strukturi nezavršenih predmeta u 25 predmeta ili 66 % nije prekoračen predvidivi rok, u 15 predmeta ili 39 % prekoračen je optimalni rok, dok je u 13 predmeta ili 34 % prekoračen predvidivi rok. Prosječno trajanje neriješenih predmeta iznosi 305 dana.

Analiza navedenih podataka, struktura riješenih i neriješenih predmeta sa aspekta poštovanja optimalnih i predvidivih rokova pokazuje da u sudu ne postoje veći problemi koji direktno utiču na efikasnost suda. Valja napomenuti da je u ovom izvještajnom periodu jedan sudija sa građanskog referata bio na bolovanju u dužem vremenskom periodu. Međutim, na nešto duže trajanje neriješenih predmeta je direktno uticalo stanje proglašene epidemije COVID-19, zbog čega je došlo do odgađanja svih javnih sjednica krivičnih vijeća u vremenskom periodu od tri mjeseca. Osim toga, u sudu je trenutno 11 nerješivih predmeta u kojima nije moguće donošenje sudske odluke zbog procesnih ili zakonskih smetnji.

Analiza raspoloživih resursa u sudu:

Apelacioni sud Brčko distrikta Bosne i Hercegovine je u ovom izvještajnom periodu raspolagao optimalnim materijalno-tehničkim resursima.

Prema usvojenoj sistematizaciji sva radna mjesta su popunjena, osim jedne pozicije dodatnog sudije.

Analiza „perioda neaktivnosti“ u predmetima:

Na kraju izvještajnog perioda u sudu postoji 11 nerješivih predmeta - pet tzv. neaktivnih predmeta na građanskom odjeljenju, koji su nerješivi zbog procesne nemogućnosti formiranja vijeća u novom sudijskom sastavu i 6 predmeta, koji su vraćeni Osnovnom sudu, radi otklanjanja procesnih smetnji za odlučivanje po žalbi.

Predsjednik suda je tokom ovog perioda preduzeo konkretne aktivnosti na rješavanju navedenih predmeta, zahtjevom za popunjavanje jedne pozicije dodatnog sudije, konkursna procedura je u toku, a njeno okončanje i imenovanje dodatnog sudije se očekuje do kraja 2020. godine. Takođe, predsjednici sudijskih odjeljenja periodično traže informaciju od Osnovnog suda Brčko distrikta Bosne i Hercegovine o razlozima nepostupanja u pogledu otklanjanja procesnih smetnji, kako bi se stvorili zakonski uslovi za donošenje odluka od strane Apelacionog suda Brčko distrikta Bosne i Hercegovine po izjavljenim pravnim lijekovima.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

Predsjednik suda kontinuirano potencira na obavezi sudija da rješavaju najstarije predmete u sudu u skladu sa Planom rješavanja starih predmeta za 2020. godinu, što direktno utiče na skraćivanje vremena rješavanja predmeta i približavanje utvrđenih predvidivih rokova optimalnim rokovima. U ovom izvještajnom periodu 93 % predmeta je riješeno u optimalnim rokovima, a prosječno trajanje riješenih predmeta iznosi 69 dana, što su dobri rezultati sa aspekta efikasnog postupanja suda, imajući u vidu trajanje stanja proglašene epidemije.

Ostalo: